


林下雅音集


25

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
AUG 10 1936

9100.41 10









光緒甲申秋中

林下雅音集

如不及齋感版

總目

1. 長離閣集

毘陵王采薇玉瑛著

2. 自然好學齋詩鈔

錢塘汪端允莊著

3. 花簾詞

4. 香南雪北詞

仁和吳藻蘋香著

5. 秋水軒集

毘陵莊盤珠蓮佩著

長離閣詩集序

曲阜孔廣森

昔靜女之二章取彤管焉被壽人於笙磬非無都荔之詞
列縵宿于羲娥不廢葦杭之怨葛山少婦執越布以歌勞
柘館貞嬪裂齊紉而歎逝書之硯北盡金屋之奇才選人
江東卽玉臺之新詠女子善懷香奩尙已則有通華胄望
淑慎閨儀南國新人東家舊姓十三織素二七裁衣漱澗
藝于瓜年剡芳名于茗玉長言婉婉女師德象之篇好句
流連吉甫清風之誦前身蓮葉不踐陳泥他日椒花必多
新製況復鴛鴦左顧孔雀南飛歸小婦之高堂調弦錦瑟
識上頭之夫婿絡轡青絲鑪熏夕而其香鏡照塵而同影
司空博物本兒女之多情內史工書作夫人之弟子斯又

總目

長離閣集

毘陵王采薇玉瑛著

自然好學齋詩鈔

錢塘汪端允莊著

花簾詞

香南雪北詞

仁和吳藻蘋香著

秋水軒集

毘陵莊盤珠蓮佩著

長離閣詩集序

曲阜孔廣森

昔靜女之二三章取彤管焉被壽人於笙磬非無都荔之詞
列縵宿于羲娥不廢葦杭之怨葛山少婦執越布以歌勞
柘館貞嬪裂齊紉而歎逝書之硯北盡金屋之奇才選人
江東卽玉臺之新詠女子善懷香奩尙已則有通華胄望
淑慎閨儀南國新人東家舊姓十三織素二七裁衣漱潤
藝于瓜年剡芳名于茗玉長言婉婉女師德象之篇好句
流連吉甫清風之誦前身蓮葉不踐陳泥他日椒花必多
新製況復鴛鴦左顧孔雀南飛歸小婦之高堂調弦錦瑟
識上頭之夫壻絡轡青絲鑪熏夕而其香鏡照塵而同影
司空博物本兒女之多情內史工書作夫人之弟子斯又

王郎天壤愧此多能居士桑榆羨其嘉耦者也若夫紅羅
帳掩朱鳥窗開初成墮馬之妝自服游龍之彩繡餘齒蒼
倦卽停鍼製就茱萸織常當戶莫不語緣情靡感與候遷
牙管一雙金釭二等雪凝謝苑擬飛絮于風前日出秦樓
歌條桑于陌上至如雙聲讀曲十索名題陽羨新茶細書
鬪罷南安早粟故事疏來香沈水而郎歌繭懸絲而妾和
西陵松柏便結同心北地焉支彌增善睐香囊叩叩是繁
掾之定情雜珮珊珊有鄭姬之驚夜奚止爲歡玉女爭投
百箭之驍射雉珠臯始見三年之笑又如草生南浦梅下
西洲贈子將離呼卿小別菘藍盈劑指五日以爲期蕭艾
懷人比三秋而更遠遺簪紹繚破鏡連環書檢六張文周

四角蘭成集上曾裁寄婦之言徐淑詩中不少望夫之什
亦或少君歸里對挽鹿車侯光去吳仍偕鴻婦漢水之平
塗七百江陵之遠道千三春嶂青螺來發雙蛾之色秋波
白鷺迴成九曲之珠是則七邑東征曹家善賦百泉舟楫
衛女寫憂抑亦詩發乎情情生于文者與然而蓉生江上
杏倚雲邊未免牢愁誰能理遣重以諸姬適邨永歎肥泉
季姊歸郇先零弱歲芝焚易感蕙質何堪幾日飛龍祇愁
藥店數聲別鵲忽上琴絲簾塵則榻冷琉璃吟筆則牀空
翡翠左思嬌女能無失母之悲班固佳甥應有問神之作
於是子荆改服文度多傷求故劔于箱簾綴遺翰于鏡檻
紅桃麗字遂書河北之箋白蠟妍辭徧識閨中之媛而或

者謂結璘有藥弄玉凝仙三髻雲鬟蓬壺已隔層波羅鞞
洛浦仍逢倘作異聞傳諸好事則綢繆贈荅將皆戴勝之
瑤觴宛轉聲音盡入彩鸞之唐韻

閨閣而工吟咏事之韻者也緣窻名藁伽音著集風雅之家述焉然大致不外賦草題花抽青婉白非必有驚人之句超詣之作鄭貞懿云近世婦人女子作詩率皆纖艷委靡桐城方夫人云偶爾識字堆積齷齪信手成篇由斯以論曾其然乎余觀王孺人薇閣偶存詩有異焉其思幽以沉其言超以雋揚激楚之清音役精空之妙手蓋雖苦吟雅宗之士有所不逮可謂體絕香奩才雄巾幗者已聞孺人端麗明慧熟漢晉書工楷法多才藝顧年僅二十四而化去屠氏湘靈袁家君嫔折玉埋香古今同歎其詩尙有二百餘首尊人菰山先生索之未至茲所見者才三四十篇而已菰山先生將以授梓屬余爲點定爰弁數言於簡

端云問縣葉觀國

序薇閣偶存詩草畢復題長律一首

容華刻玉氣吹蘭
紉帙長隨鏡檻安
罷繡吟成藤紙貴
留

香草在墨池
寒生天有籍
宜切利住世無多似
小鸞若向

詩家論格力
長江昌谷重登壇
罷繡吟侯官女郎王虞鳳
著留香草合刻屠瑤瑟沈

天孫詩

薇閣偶存并言

閩縣何森林

東鄰齒女爭傳賦茗之才南國佳人競做簪花之格
紫絲步障時落譚鋒青玉華軒頻翻絮雪鮮妍翰墨
居然衛氏夫人英雋才華允矣袁家學士豈特釵鳳
鏡鸞之句妙著新妝亦非香蘭醉草之吟代傳白燭
者也觀薇閣偶存詩集併讀小傳知爲毘陵女士姓
王氏名采薇別字玉瑛乃武進王明府菰山老先生
之第四女句容廣文孫君書屏老先生之家婦而茂
才孫淵如之德配也靈慧夙成岐嶷蚤異蔡文姬六
歲辨琴徐惠娘八齡作賦端莊靜一不愧林下風姿
貞淑幽閒羣仰閨中儒雅誠所謂埽眉才子當不徒

刺繡神鍼無何零陵道上倏逢解脫之緣女几山頭
竟作飛昇之路振珮環於天上餘韻無聲留詩卷於
人間靈膏不散瓊鐙灰冷三更好月空明寶篆風微
一縷游絲竟去掌天厨之九百天地人寶藏兼司檢
月牘於三千始中終夙根未斷茅君西畔夢訂後期
切利東偏詩傳前事考月夕之分數兼聽鴻溝偵灰
墮而遲留空悲慧劫絳河已杳長居離恨之天青鳥
不來永隔塵緣之路聆鐘聲於闕下蓬島宵分浥露
氣於宮中瑤臺夜迴五霞洞掩已鞭鹿而逍遙一足
童來枉焚香而睇視覩流雲之黯黯密緒千絲聽珮
玉之錚錚芳魂百匝靈雖長在總杳杳而冥冥見卽

如初亦生生而世世語雖涉怪事卻非誣傳密思於
仙娥皆堪訂證寄遙情于乚筆孰語荒唐顧遺事之
可傳究仙蹤之莫挽就使樂天長在徒刊紫石之文
劇憐牛女云亡空誦遺芳之稿爰吟短截聊當輓歌
謹撰弁言用申哀誄云爾

翡翠玻璃得所於絳仙才調女相如玉京難覓脩文客珍
重紅妝作校書

殿居忉利鬱窈窕青鳥西來隔絳河惆悵昆庭石公子吹
笙何處聽雲和

偶來塵世了前因知是蓬壺第幾人劫火灰殘天地老白
楊青草石磷磷

幻影遶馳廿四春
瑤環莫認去來身
劇憐故國招魂地
曾否趨庭晤老親

題辭并序

三山張經邦

薇閣偶存者毘陵王菽山先生第四女玉瑛女士遺
草也玉瑛不櫛書生埽眉才子楊盈川之女少賦金
釵王內史之妻幼工絮雪性獨耽夫吟詠手不釋夫
篇章鸚鵡硯中罕點石州螺黛鷓鴣香畔恒攤蜀郡
蠻箋重以案側伯鸞人間司馬才真勁敵歡比良朋
從枕上以論詩直欲遠宗四傑向花間而吮筆非關
頻掃雙蛾意必探珠音還曼玉以庚庚之妙理運乙
乙之幽思斯固慧勝文人詣超巾幗者矣詎意優曇
一現僅開頃刻之花切利先歸遂駕長離之鳳芳園
豆落祇結相思露并桃殘竟成薄命嗚呼天閭難問

呼妙子以何從仙路非遙幸巫咸之可叩爰憑青鳥
還寄素書掌玉殿之縹緗勝彼瑯嬛百架降瑤天之
咳唾裁將金簡一函密語深情不數分釵擘盒青天
碧海空懸夢雨靈旗噫王子登不踐紅塵董雙成虛
傳遠信興思及此厥痛何如是以菟山先生示一斑
於梨棗而淵如孫子尚尋斷夢於稠桑雖令方朔術
窮迷雲輿兮八極尙冀劉生傳在貽彤管以千秋用
敘長歌聊充哀誄祇慙禿穎莫罄靈奇爾

瑤光炯炯煥天章散彩遙臨大道王第一仙人同妙想次
三神女亞卮娘珊珊風度離仙闕慧質明眸朗秋月似吹
芳氣作蘭言疑隔冰牕見香骨仙女骨隔牕見骨愛緜緜帙近簾

裾少小先工倒薤書鳳味平連金翡翠菱花移傍玉蟾蜍
更有清才薄柔靡揮毫獨把鉛華洗俊逸寧如罷繡唵精
深真陋香奩體詩成高唱八層霄露滿瑤臺奏六么跋膝
聲凝雙鳳管參差音飈九鸞翹夫婿由來亦仙客碧虛宮裏
曾偕謫天台雄賦擲金聲零雨清吟擘銀畫階前唱和月
痕斜趙管風流未足誇那知一夜飄蕭雨落盡同心姊妹
花從此朱顏減歡思投琴獨灑看花淚孺人以悼姊致疾花如人
面不禁秋流雲爲車鶴銜轡用薇閣句渺渺茫茫離恨天水晶
闕外住霞輶反瓶覆水空悲咽難寄桐君十幅箋脈望薰
殘檢書暇鏘然風送仙音下董雙成到步虛輕一足童回
寒漏罷噫吁乎上界真人遊戲歸祇餘荀令斷腸詩願將

長離閣詩集
別鶴離鸞曲寫作芙蓉園苑詞

讀長離閣詩漫題卷末

儀徵阮元

青鐙涼涼夜如水
魂豔心香動殘紙
病意多從別後添
吟懷已在生前死
琉璃硯匣彩雲天
好事人間那得堅
玉臺空有傷神句
鏡裏宮花破不圓

長離閣集目錄

長離閣集一卷

詩七十一首 詞一首

燕燕于飛

山中作

自君之出矣

山中憶吳如霞姊

復與季遠夜起視月同作

池上書寄薇隱

望夫石

香草河舟晚

曉步

夢遊

秋胡

蘭芝曲

華清曲

昆靈曲

前樓

句容齋舍

寒食吟

秋夜苔季述

夢天

春眠曲

夏行曲

秋望曲

冬坐曲

木蘭詞

春暝曲

離居曲

霽行曲

病中憶歸效簡文卦名詩

曉起效徐陵體

早起憶弟婦

銅雀臺

不眠

曲渚

山空

雨夜

病臥得季述詩

送春

山夕

幻夢

初春

山夕

夢起步後園

半頌和薇隱韻

舟次

有感

水宿

九月十四日舟由丹徒夜半與薇隱乘月登岸行三

里作

寄薇隱次韻

山齋病起憶亡姊

荅薇隱復次前韻

悼姊

寄季述時客和州

空室

山夕

蔣墅舟次和季述下第有作

七夕悼姊

憶別和薇隱

晚立

二月十七日柬薇隱

得薇隱從金陵寄一書

三月三日

夢起

寄父

空樓哭亡姊

春夕

秋夜不寐

哭姊

臥病

向夜

偶成

歸寧後尋亡姊故居

夢中作

又

幽夢

寄李述

回文

和薇隱韻
醉花陰

附小傳

事狀

墓誌銘

長離閣集目錄終

長離閣集一卷

毘陵王采薇玉瑛著

如皋冒俊碧纓校

古今體詩

燕燕于飛

流光何暉暉暉暉亂春日獨燕銜愁來懸飛鏡池淥池淥
何多情堂空復孤驚羽豐離其窠哺足辭所生回身顧新
侶得食哀哀鳴

山中作

夜松何濛濛月小飛不起知有抱瑟人垂光碧簾底露氣
明曲巖花光照虛夜一片白雲聲飛泉隔煙瀉

自君之出矣

長安隱居集卷一
自君之出矣兩瘦不相識炯心如流丹掬贈焉可得

山中憶吳如霞姊

帷鐙照宵衾澗水聞夜室天靜遠烟搖華雲度流月幽棲
亦心好思子方首疾憶昨寄遠書淒淒淚盈帙生愁一何
滋少樂從是畢虛房想清讌蛾響落清瑟何由寄新吟慰
我中似結

復與季述夜起視月同作

虛扉淡宵開涼鐙照幽素肅肅鴉不翻團團雲稍去蛩底
聞行泉箐黑辨浮露外役于此捐中疴自茲念循階桂華
歇交戶瓜蔓吐徒乖有懷衷未協長往趣亦有同心人斯
情積難訴

池上書寄薇隱

日暝幽眠涼流雲漲巖曲相思寄長風動汝窗外竹池頭
孤行薄羅冷卻憶把書雙對茗受露衰荷散葉香臨谿獨
鳥矜毛影

望夫石

妾顏初如花妾心已如石定情雙妍姿不忍君歸見衰色
妾顏當彫心不移妾身亦化君始知冰爲肌草爲鬢山頭
無人寄君信妾意淺君心深恐君復化填海禽冤禽來銜
石方動不作巫雲八君夢

香草河舟晚

疎林無人葉飛影暝渚歸帆貼空冷斷岸泥多鴨瓜痕亂

山鐘到鴉巢頂鄰舟嫋嫋歌入烟明月已讓星懸天來風
吹衣恐仙去白道還疑翠微路

曉步

曉色凝不來鳴嗥去何許茶煙生溟濛孤桃索人語幽亭
無人拓窗徧一桁碧山低未見日氣如烟聚水心雨光滿
地流花片

夢遊

一星迷濛遠谿路出礙荒烟入橫霧峽中泉氣冷逾秋峯
底天光碧疑曙僊鳧飛空蜀江小露雨香挑覺春早瓊樓
貝闕搖靈瓏衣翠霞紅各漂眇流雲爲車鶴銜轡心著游
絲不堪繫斷橋圍水水壓牆雙燕爭魂墮空砌

秋胡曲

珂聲璫璫踏春疾立處蘭風下
林末柔桑落臂弱不收花
頰流紅射朝日冰縑夜斷不願金
妾淚自墮因著簪翫庚
少婦能銷妒磐石男兒不鎮心

蘭芝曲

嘯鬟垂雲粉黃落夜半嚴粧起
幽閣已分單棲似伯勞劇
憐薄命逢姑惡紅桐掩墳秋
骨灰阿母淚落心當回莫隨
怨魄填波去合化幽魂促織來

華清曲

玉魚如冰冷犀齒雪色靈禽作
仙使石扇龍環守別魂不
似蟾宮做千里蓬萊山高無落
虹釵盒夜泣翡翠凋空雨零

石磴荒夫草網暗宮門縊女蟲

昆靈曲

宮槐朧朧向清曙蠹粉梁空燕無主玉笈不動踏堂塵簾
底菱花學眉語蟬絲細帳蟲織成秋簟夜碧唬潛英翻翻
小蜨隨君幅跡跡衰梧作履聲

前樓

前樓交樹檐柯徧後戶穿窗月輪見樓空貯愁愁不升飛
露著鏡如吹鐙長天無鴻斷來信自禱夜風吹夢近一夕
參差隔院聲梨花飛白春人鬢

句容齋舍

山鶯破曉第一聲綠蘿雨落如珠纓連松猶台夜泉響殘

月不避晨光明
晨光朧朧逗深
幕開戶持書
候空鶴零雲
一片吹不開
卻挂碧潭潭
上閣

寒食吟

花枝揚揚柳宛
宛不動陂塘水
芹短破冢孤梅
掩骨深敗
牆小蜨尋魂遠
紅鮮綠穉隨春
天咽咽蜀禽飛
不高紙錢
挂樹雨淋盡
滿地暝煙開
鬼桃

秋夜荅李述

金鑪無香道書
朽隔枕秋聲下
殘柳瑱窗肩歛
愁寄牋懸
夢已入浮雲邊
蕉廊風多獨吟
處落葉幽魂各
來去寒蟲
一夜嘯漸低
露白星黃共爭
曙

夢天

碧闌十二花無數桂葉低籠若青霧蕊宮誰遣別魂游只
有青禽送來去波離屏薄不上關對語月姊瓊樓閒銀河
珊瑚瀉聲小手弄白雲天下曉

春眠曲

篁梢壓戶簾紋細空色湖光著山膩鶯眠樹杪弄垂絲蝶
上花鬢醉芳氣琉璃隔香香暗流薇帳夢醒聞輕鈎空闌
盡日無人影日炙落紅蕩不收

夏行曲

白波疊玉荷如錢綃戶織月疑空煙青蟲挑鬢受花露丹
鳥入幕棲芸編疏桐垂陰下苔井雨去新蟬一聲警蘭堂
夜靜還獨開小玉眠涼抱枝影

秋望曲

花梢凝霜散寒、蜨檐角垂絲挂零葉南谿別處清連空瘦
綠愁山照波濕細煙青鎖雅尾長淡日半入幽蟾黃虛房
未暝吹鐙坐露眼風蹤弔曲廊

冬坐曲

曲瓊押幔香絲起酒波微皺夜及子花蟬心朽不得仙粉
蛻空僵碎黃裏風櫺朧朧通月澤屏外鳥唬瘦林直已罷
懷人更憶親冰紅淚落蘭膏碧

木蘭詞

生男勿喜歡生女勿悲酸女生當縣弧女足亦莫雙行纏
不見木蘭女代爹征可汗出門望行塵日色青漫漫顧笑

諸少年泣行胡郎何汎瀾流塵凝雙眉飛露綴兩肩閨中
何能貴不及鐵衣錦韉黃金鞍閨中何能豪不及銜霜度
雪聽風湍蛇矛丈八氣決前精感白日昏沙煙生還見天
子天子動色言要金佩玉作織步綽約顧影驚干官上堂
拜父母父母疑重看開簾覓我故時鏡手脫長劍分雙鬢
君不見東家女兒好顏色朝貧穿鍼莫貧織西家女兒衣
盈箱自矜嫁得金龜郎男兒封侯妾何有要取黃金白懸
肘

春暝曲

青楊分鬢下拋地暝色春空綠膏膩怨土成雲葬玉京虛
簾燕落相思淚檐鈴細語春眠回撲樹晚蜂嬌不歸園扉

斜開石泉冷笛韻吹愁出苔井黃月如星慘一鉤杏花樓
暗藏人影

離居曲

露華網戶參差光碧筠粉薄如樓霜涼堂下簾簾率地素
手無分玉如意燔膏作鐙檐不紅夕撫綠綺空窗中一聲
涼破楚天碧去雁叫影思離鳩南山點苔愁向曉獨客腫
腫涉長道樓前月浪卷衣來夢裏江聲隔帷小

霽行曲

幽窗無人竹枝重晴色風林散雅夢曲沼圓文上薄冰差
差曉日魚吹動黃編落枕愁獨眠下階自惹花間煙金蟾
鎖春不得住已入暗戶生苔錢南雲沈沈雁慵度鳳紙回

長齋閑集卷一
六
文積筐蠹已是春衫染淚來
亂紅更見鶻嗁處

病中憶歸效簡文卦名詩

雁小過樓迷流雲復滿溪
蘿蒙纔上月竹比已開扉
蠟照燐粧損蟲吟識夢離
旅魂宵不定革帶日仍移
病漸因霜瘡心恒似葉危
何時升畫閣言歸妹把衣

曉起效徐陵體

春鏡動春烟春林綠半天
簾低壓枝卷窗迴對禽
眠書帳蠅彈紙琴牀風觸
弦辭衾惜香在掃徑待花
薦研墨汚羅袖看魚落翠
鈿誰云厭長日終是惜馳
年

早起憶弟婦

日華生曲沼昨夢去東軒
露甬出深草禽花雜一園
粧餘

唯拂卷繡裏更看山
護葉如長帶蘋英似小鈿
何時話離恨雙笑北堂前

銅雀臺

日莫碧空杳望窮
如有存雲癡想歌態月轉見牀塵
草暗露凝跡樹斜煙曳魂
此中君不起何許泣能聞
可惜分香女都無殉沒人

不眠

不眠虛靜夜憶別損清娛
月芒生鏡匣露顛雜簾珠
徑壞轉鮮葉巖寒尙碧蕪
息檐唯旅燕映樹有垂鬣
夜夜梅枝下迎寒減病軀

曲清

長安隱集卷一
曲渚斜生白，疏星動欲昏。四更桃葉影，一縷杜鵑魂。斷雨還零砌，虛簾自打門。蕭蕭庭竹短，都作淚花痕。

山空

山空收夜氣，墟上露千星。嶺月流塵几，窗風亂道經。鶴隨雲到戶，蟲與葉棲亭。是夕懷蕭史，幽行徧綠汀。

雨夜

響急衣砧合，聲沉漏箭隨。黛痕侵故壁，香影聚重帷。碧簟眠傷骨，紅燈病壓眉。數株門外柳，苦伴暝禽垂。

病卧得季述詩

病減無三日，春歸又隔年。能傳閉關句，來破擁衾眠。落雨時連蒂，喧禽不出煙。開簾放香篆，應始覺晴天。

送春

如何送春處不見有春歸
落雨絲闌住殘花蝶鬥飛
黃驪正漂蕩碧葉空參差
徒傷持桂酌況復易裘衣

山夕

草蟲門徑遠一路入谿煙
月滿無人地鐘殘有雁天
心孤聞動竹衣冷近流泉
欲覓鄉關夢樓空獨上眠

幻夢

幾疊春山路誰分碧扇開
露光生竹石雲氣雜樓臺
鶴度涼潭去鐘穿薄霧來
微茫天水闊我夢正尋梅

初春

曉鏡慵梳飾幽窗夢破遲
梅梁波反影芸帙曙通曦
花逐

調琴指鶯隨入鏡枝十分春欲去惆悵未成詩

山夕

將暝室生白松花滿石闌碧潭琴影瘦黃葉客衣單網露
迷蘭徑茶煙惹竹竿瓊枝空憶夢挑飯不能餐

夢起步後園

蘭香流一澗桑烟染半岑雨開殘照影花動小樓陰蜂晚
能喧夢塵凝不上琴何時識芳草眠裏定幽尋

半嶺和薇隱韻

半嶺幽居好疏談向夜分劍明疑有月香細欲生雲新醞
皆松木清娛有典墳湘簾池上動苦露濕行裙

舟次

風斜舟近岸竹外復蘆中樹裏屏中綠荷愁鏡浦紅殘霞
猶眇莽出月已空濛莫惜橫烟住孤吟苔露蟲

有感

不見畫釵處驚看過月痕簾斜生鳥影屏小貼花魂鳳瑟
埋塵冷鮫綃濕淚溫石牀苔掩鬢黃蜨欲棲門

水宿

冥冥堤畔路草草別時家碧影沈湖月紅心上冢花鐙微
還下雁鐘冷不驚鴉薄醉和衣宿扁舟入樹斜

九月十四日舟由丹徒夜半與薇隱乘月登岸行三
里作

幽行已三里村落半攤扉隻鳥時依樹孤螢不上衣月平

人影小潮定櫓聲稀沿水星星火歸驚宿鷺飛

寄薇隱次韻

春牖對芳林朝陽上綺衾戶低交葉暗徑小受花深金錯
循離恨瑤壙鎮別心欲諳芳草路因夢寄新吟

山齋病起憶亡姊

澗響當宵定嵐光八戶深餘雲泛幽石碎露滿疎林竹院
彈碁斷松房沸藥聞重泉埋玉客誰識正思君

答薇隱復次前韻

香霧斜橫帳衣絳重壓衾夢聽嘒鳥亂愁與落花深易盡
千行札難分一縷心相如情若固何用白頭吟

悼姊

殘夜一禽驚
鐙幽夢轉明
把書尋淚色
掩幔想衣聲
微病花全發
深眠月暗行
蜀絃塵裏斷
已任指尖生

寄季述時客和州

空院題詩對碧莎
華年作別歎蹉跎
夢餘捲帳人疑在
書去尋愁語轉多
曉岫入雲飛斷雁
夜鐙照雨落殘蛾
空江無復憐才客
此夕租船憶嘯歌

空室

蠹壁蛛絲掩綠琴
碧苔紅葉拾遺簪
露寒花帶嘒痕長
月小簾圍夢影深
條脫寸寬辭病臂
秋千伴遠繫春心
幽梅一樹還闕戶
似約幽人到綠岑

山夕

長安隱集二卷
碧簾不卷映風蘿十日清愁獨抱疴寒浦帶星垂似露夜
風吹月動如波入樓葉趁人蹤斷隔戶梅疑夢影過莫更
砧聲近空院女顏宿草徧墳科

蔣墅舟次和季述下第有作

一夕霜花濕鬢青湍聲出渚棹初停病中龍具和衣泣愁
裏魚簫帶夢聽隔浦葉多飛似鳥入林鐙小遠于星從君
湖海幽尋志何日浮家去杳冥

七夕悼姊

奠果穿鍼聽曲街瘦林斜月闇虛齋愁年不共生年短死
日方知別日佳風燭作花搖怨影露螢隨淚墮孤懷故牀
鍼盒飄零在望有吟魂到玉階

憶別和薇隱

閣中羈客淚盈壑湖上征人草染袍
小樹雨寒蜂去靜亂花風厭燕銜
高幾年歎逝閒清笛百日傷離閣
彩毫波影連天柳迷路幽行惟有
夢魂勞

晚立

旋整羅衣候月斜蕭然人影出晴
紗烟中紫燕相思語霜裏紅蕖獨
自花住久小樓因對嶺斷來清夢
又無家曲闌幽話何時展一笛西
風萬樹遮

二月十七日柬薇隱

五日春陰不啟關封書始此整幽
鬟離愁作霧疑沉水曉病如烟盡
著山淚裏鏡開花四照夢餘簾動
燕孤還錦囊

自續新吟滿何日憑欄與共刪

得薇隱從金陵寄一書

尺幅吟牋照淚眸半窗斜日夢孤舟愁如天遠還窺帳病
與雲親不下樓濕翠雨收侵硯匣落紅風颭上簾鈎青山
到處應相憶除是征人醉裏游

三月三日

綠楊樓角帶棲鴉欹枕鑪聲正憶家吹夢夜風先到樹弄
愁寒雨不妨花蟲依香影垂簾網蛾怯晨光墮帳紗我已
離愁嬾春禊徑泥何處又鳴車

夢起

夢醒思家望翠微幽苔染影上羅衣寒天細竹人孤筍斜

日空檐燕對飛碧嶺疊來鄉路斷玉梅枯盡舊魂非夜堂
疎磬疑禪寂冷水閒雲照合扉

寄父

疎鐙殘雨計宵程貧日偏傷遠別情薄宦十年徒三黜衰
顏千里更孤征飢猶勵學憐諸弟弱未酬恩厭此生一夜
趨庭夢言笑曉窗垂淚聽春鶯

空樓哭亡姊

綠槐影裏露幽扉寂寞樓頭落照微此地獨來空繞樹幾
時別去更牽衣風停虛幌神靈在雨壞幽苔淚跡稀誰語
愁心向梁燕故巢莫作一雙飛

春夕

已罷讐書怨夕遙更聞疎竹度隣簫靈瓏鳥語驚簾押寂
寞香絲繞畫綃一院露光團作雨四山花影下如潮傷離
不爲何郎句病久東陽自損腰

秋夜不寐

獨掩幽窗卧不成香心冷死粟肌生五更霜月欺鎧影一
樹風鴉續雁聲短草積烟歸夢怯長林挂葉曉魂輕鞠闌
半出還扶病水玉簾間看啟明

哭姊

斷甲遺琴委故牀思君獨旦不成裝花邊風起肩誰擁月
月裏烟銷影更涼殘墨尙明牋上淚餘膏空落枕前香翠
屏一角棲歌哭祗恐猿聞也斷腸

卧病

漠漠凝塵掩鏡臺藥烟如霧夢初回
扇魚影裏窺花盡驚鵲林中覺月來
故里信疎拋舊翰夜窗語冷見殘盃
長卿亦有懷鄉恨百日青琴欲上苔

向夜

樹影入清漢蟬聲動小樓
凭闌弄清笛微月在釵頭

偶成

竹葉鳴紗牖蟲聲雜錦梭
簾長燈燄小山亂月明多
歸寧後尋亡姊故居

痛定猶開鏡嗟多不整粧
紅苔黯空壁飛電夜明房
夢中作

欲暝疑將曙涼春似早秋青山獨歸處花暗一層樓

夢中作

草長蘭弄影鶯語蜨飄魂一畝淒淒水斜陽卻在門

幽夢

幽夢隨雲細細生闌干經雨入流螢夜堂獨自花迷影碧
漢風吹雁出城

寄季述

嫩寒幃幙雨廉纖衾上春衫逼曙添試束晨妝拓幽閣小
紅齊見破棗尖

回文

壁上蟲牋舊鑪香近帳紗石幽和瑟冷衣薄引衾加隔院

過蜂蝶分牕對竹花
席長橫帙亂簾側
挂枝斜客思愁來
晚林空滿立鴉

和薇隱韻

嘹唳歸鴻驚社後
旅館鄉心逗夢入
曉雲飛綠遍天涯
不認門前柳
露桃影裏人非舊
春也應難久
風日又清明
獨對殘紅寂寞簾
垂晝花陰調醉

伯舅淵如先生配王夫人才慧早世曾刊薇閣偶存一卷
得詩詞雜著三十八首畢秋帆尙書刊吳會英才集復於
伯舅雨粟樓詩後附錄夫人詩名長離閣集較舊本增損
不同蓋選時各有去取耳今年春慶爲伯舅菟輯遺集自
夏徂秋編成付梓將有中州之行外舅南麓先生更屬編
次長離閣集乃以薇閣偶存及吳會英才集所選者互相
校訂合爲一編凡詩詞雜著七十八首附刊治城遺集之
後袁簡齋太史爲夫人作墓志稱其詩哀感頑豔丁當清
逸王菰山先生爲作小傳並摘佳句有寄父云饑猶厲學
憐諸弟弱未酬恩厭此生詠木蘭云男兒封侯妾何有要
取黃金自懸肘步月云隻鳥時依樹孤螢不上衣秋夜云

五更霜月欺燈影一樹風鴉續雁聲春陰云離愁作霧疑
沈水曉病如煙盡著山悼姊云把書尋淚色掩幔想衣聲
春夕云一院露光團作雨四山花影下如潮七夕悼姊云
愁年不共生年短死日方知別日佳舟次云隔浦葉多飛
似鳥入林燈小遠於星有感一律云不見畫釵處驚看過
月痕簾斜生鳥影屏小貼花魂鳳瑟埋塵冷鮫綃濕淚溫
石牀苔掩鬢黃蜨欲棲門皆已載入集中又有感云名香
一縷當簾出故札千函向月開八夢已迷前度草返魂惟
有去年梅惜首尾不全集中未載姑附錄於簡末焉伯舅
號季述一號薇隱茲編題內或稱季述或稱薇隱皆依原
本夫人喜讀漢晉書尤工小楷嘗見夫人爲伯舅手錄詩

草一冊絕似永興家法因題句冊後云手寫新詩墨細研
永興楷法尙依然名山各有千秋業偕老何須說百年以
誌景仰之誠且紀實也嘉慶戊寅秋七月從子壻龔慶謹
識

亡女王采薇小傳

亡女采薇字玉瑛余第四女也其生母方娠時夢月旁星光熠熠或告曰此四女星也欲手摘之倏不見矣及生姿質清弱週晬病幾危八歲許同邑孫文學星衍女旣長貌端麗性柔婉耽文史手不釋卷尤工小楷好吟咏余以詩非女子所宜遂秘之雅愛潔靜每明窗淨几讀書臨帖煮茗供花翛然物外時繙道家書志神仙余切戒之則止而夙根靈慧時有出塵之思性至孝得嫡母白孺人歡心迄於旣嫁猶依戀不舍待人接物和順恭敬余鍾愛之每有拂抑嗔怒對之輒解人以爲吾家嬌女雖大家左芬不是過也年十九贅壻星衍於家次年壻補博士弟子員壻聰

穎工詩侷儻不羈邑中時有毘陵才子之目然頗恃才不
屑屑爲經生吾伊態或縱酒放歌女數箴勸之甲午秋闈
報罷女頗抑鬱從壻之句容官舍舅姑俱稱美之而女以
乍離膝下又值余三女適吳者暴亡女悲慟欲絕自顧孱
弱亦恐壽命不長居常悒悒乙未九月生女阿靈得嗽疾
體漸尪怯丙申七月歸寧病益劇竟于十月二十三日卒
距生癸酉九月十九日得年二十有四先是八九月間余
謁選都門知女病竊憂之然以其貞靜閑淑冀可不致天
折自冬徂春不得家書心替亂若有所失今年二月初得
惡耗計歿時逾百日矣壻已于十一月中葬女于橫塘鄉
新阡余不獲撫棺一慟情何能已聞殮時顏貌如生手足

溫軟似解脫者今年春有能爲扶鸞術者乩詞稱女住叨利東宮掌上界書並有寄外八絕其事甚異或有鬼物憑之耶抑宿根之說不盡荒唐即余自庚寅歲適許之次女亡甲午三女繼之今四女又繼之七年之內連喪三女哀何如也前明吳江葉太常天寥兩女昭齊瓊章皆以才殫太常作窈聞記傳其事閱者哀之余三女似昭四女似瓊近聞乩仙事又適相類女所配旣得才士而天不永其年奚忍令其湮沒無聞與流螢落葉同歸漸盡也歿後檢故笥得詩詞雜著若干首付梓伏冀大人先生矜其蹇薄錫以輓誄使幽泉弱息得言而傳則鄙人之哀亦以少釋云爾武進王光燮菽山氏和淚筆於京邸

--	--	--

誥贈夫人亡妻王氏事狀

夫人姓王氏名采薇父光燮乾隆元年進士宜黃縣知縣
贈奉政大夫兵部主事生母黃氏弟五人姊三人妹一人
一弟一妹同母生夫人少以姿質端麗尤爲父鍾愛外舅
之擇壻必推年命當發科與否或以予生年月日告外舅
推而善之亟介戚好言姻事時予生數齡家君遠出大母
許通聘以乾隆三十六年冬十二月年十九成婚于甥館
越四年隨余歸句容學舍四十一年以疾歸寧卒于十月
二十三日距生乾隆十八年得年二十四凡生二女後皆
殤始外舅之在令解以文學飾吏治不延幕僚事皆辦多
燕閒其教女一如教子嘗自言吾女慧或過于男故夫人

姊妹俱識字能書既婚數日夫人屬余填詞並約圍碁余皆未學頗心媿之後遂爲小詞酬夫人而卒不能對弈夫人終日持一編書在室教其幼妹時時臨帖好虞永興楷法或爲余錄詩至今有存篋中者嘗言唐五代詞率可倚聲被之簫管春餘夜靜輒取李後主簾外雨潺潺詞按箏吹之令余審聽至流水落花人去也天上人間聞者欷歔其後寫夫人遺影爲落花流水圖以此旣歸句容時余大母在堂兩親愛子息無苛禮定省之暇不事鍼帶夫人好絜除几席余每陳書滿案而出比入室則夫人爲整齊之偶得許氏說文與余約日識數十字久之子遂通小學山齋有桐桂古柏冬寒月皎對影蕭瑟或出戶閒吟或焚香

開卷論說史事俱有神識不信佛書邪鬼之語不視裨官
小說旣得疾終夕嗽不止又痛其姊先卒自疑以產致疾
將不起爲詩詞多淒楚音有詞云歸夢到江南綠遍天涯
不認門前柳又爲詩云五更霜月欺鐙影一樹風雅續雁
聲余驚以爲不祥乃起對落英歎曰人常惜花早謝紅顏
出世不勝衰頽耶病甚急歸母氏因送之至里門遂不起
臨歿遺言勿厝棺佛寺故余亟擇地鄉郡之橫塘鄉權葬
焉越十二年余以翰林改官尙書比部郎例贈宜人及嘉
慶元年余出官山東充沂曹濟道例贈恭人皆請馳贈先
世今年以予官督糧道加三級贈夫人夫人卒時余曾爲
事狀年久失其稿有袁太史爲夫人墓志已屬梁侍講同

書寫刊于石頃因整理家乘復記憶遺事撰次大概以示
後人云孫星衍狀

孫薇隱妻王孺人墓志銘

錢塘袁枚

孫薇隱秀才詩才俶詭能爲昌谷玉川家數予愛偉之今春二月以其亡妻王孺人事狀及詩索予銘幽子讀其樂府諸篇哀感頑豔丁當清逸故知完山之鳥無異吭之鳴雲和之笙有雙瑄之奏宛其死矣士也婆娑彤管旣淹元石斯耀謹按孺人姓王名采薇宜黃令光燮公女也有天紹之麗姿愠愉之修美天女九相靈芸三絕年十九歸秀才秀才故食貧者賦感昏時以帛拜代香纓孺人不槩于心能鉏其色守成湯嫁妹之誠捐夏禹脩容之粉調言麥巢咏之器始乾糝饋食之籩威姑以下愉愉如也每至玉女沙涼金蟲鐙小釵橫三鑲髻安弁鞞鸞人焚衙溼之香

展排比之卷或抽觴以啟顏或論古而交謫誦靈飛之篇
目王母心驚成輦鑑之圖章南海紙貴秀才愛玩賢妻有
終焉之志匪云嘉耦直是吟朋且其神識尤異儕輩嘗讀
王章傳曰牛衣妻自賢柰沮仲卿上書終是恇怯女兒又
對落英歎曰人當如渠蚤謝慮有憐者何俟頽侵才舍恒
鞞耶味其言直以形骸爲桎梏晝夜爲一致采雲留影曇
花愛空宜其拂衣行矣便登女姓之邱執手奄然難挽靈
妃之步病成解佻態失嫵妍卒年二十有四秀才開華鈿
之故匣見都膚之舊痕哀思夕流憤泉朝涌遂乃詣宛若
請神君執鬼中玩仙牒知孺人故是兜率宮掌書者雖跡
涉幽渺莊士不言然浴羲女于甘淵奔純狐于月窟乃自

古記之秀才鍾情語怪以妄塞悲當亦君子所不廢也以
丙申年十二月葬常州府城東橫塘鄉之原銘曰
驚女鹿佑楚客問天緣何彼姝以此名焉宜其奄忽離瑜
復位當景收蘭臨華罷翠愔愔孫楚蟹行索妃歌離弔夢
有涕漣洏榛娥臺高玻瓈魂杳定有青鸞集此華表

孫季仇妻王氏壙銘

趙懷玉

味辛

乾隆乙未夏得交同里孫君季仇爲人磊落負奇氣讀其詩多贈婦之作叩之知其配孺人王氏之賢而才也時季仇父教諭君官旬容承歡多暇幃房靜好人皆羨之未幾孺人病歸就醫季仇屏當藥餌戚戚無懽悰卒不效以丙申十月卒於母氏季仇泣告其友趙懷玉曰亡妻少爲婦未久无可言願有未忍沒者年十九歸余事王姑以下咸中禮王姑以下亦非新婦不歡余家素貧相對未嘗作謀食語好讀漢晉兩書爲詩有靈慧作輒毀之少存稿嘗讀漢書至王章傳曰方仲卿疾病困厄朝廷尊貴亡知者獨知于其妻及爲京兆上封事得死所迺反止之何自鄙邪

他日復悲向余曰吾無壽者相旦夕死君卽貴有建白恐不及知牀頭幼女癡又不如章小女是可傷已余好持古人短每婉折之辨亦尋解生平尤嗜山水風露之夕邈然遐思有稚川移家之願甲午秋報方罷慰余特至謂顯揚之道舍此蔑由然勤立學行曷貴競進也有姊先亡憂鬱致疾素不信巫覡母勸崇禱曰天壽有命神何能爲龍虎山張真人與王氏有連會過常州衆請修醮且云不虞而來當有驗卒弗應疾革猶屬毋作佛事惟以婦職不盡爲憾與余訣移時始瞑余性疎與世扞格自一二知交外入室則恃以慰勉而今已矣吾妻死吾親痛之甚今將詣句容一棺煢然不可無託遂以十二月某日葬於新阡旣託

交於子且同悼敢乞一言納諸壙季仇之言如是懷王觀
孺人之識有士大夫所難能又嘉季仇速葬合禮終歎賢
而不年雖居室之樂造物必斂之使不得久之匪獨孺人
與季仇也而惡忍不書孺人諱采薇生二女歸季仇六年
年二十四

1850

2

